

Vintsina via Mukanda ua Viuano via Muono Uetu Vakua Kilistu na Vipanga Vietu

3-9 YA MAIO

VUPITE VUA MU LIZI LIA NJAMBI | NUKUMELU 27-29

“Tambuluiseni Yehova mu ku Hona Kahangu”

w13 15/6 10 ¶14

Hakenu Seho ya Kama ku Vifua via Yehova

¹⁴ Vana va vampuevo vatanu va Zelofehande va ile ku Mosesa na ku mu hula nguavo: “Lizina lia tatetu li ka zimangana ha kati ka cikota ceni vikandzo, muomu ka kele na muana ua yala?” Kaha va mu lambelelele nguavo: “Tu hie etu vusuana vumosi ha kati ka vana va naye va tatetu.” Vuno Mosesa ua va kumbuluile ngueni, ‘Mukemuo mu lia handeka lisiko, kaha viahi vi nji hasa ku linga mu ku mi kuasa ni?’ Houe, vunoni ua “nehele lizi liavo ku meso a Yehova.” (Num. 27: 2-5) Vati Yehova ua kumbuluile? Ua lekele Mosesa ngueni: “Vana va vampuevo va Zelofehande va na handeka mua cili: mua vusunga u ka va hie ku fuka vusuana ha kati ka vana va naye ya vaiseavo; kaha u ka lingisa vusuana vua iseavo ku heta kuli vakevo.” Cikuavo naua, Yehova ua tumine Mosesa a soneke mezi aco mu mukanda ua lisiko ngueni: “Nga umosi a tsa, kaha kesi na muana ua yala, kaha mu ka lingisa vusuana vueni ku heta kuli muaneni ua mpuevo.” (Num. 27: 6-8; Yeho. 17:1-6) Ku tunda oho, eli lisiko lia kele na ku niunga vampuevo vose mu Isaleli vaze va kele mu cisoti caco.

w13 15/6 11 ¶15

Hakenu Seho ya Kama ku Vifua via Yehova

¹⁵ Mua vusunga, eci cihangula ca ngozi ca muesa ha toma ngecize Yehova ka puile mukua kahangu. Vaze vana va vampuevo ka va kele na mukuasi na umo uahi, vutuhu ngoco Yehova ua va kuasele na ku va singimika ngue

mua lingile na valsaleli vose. (Visa. 68:5) Ou ua pua umo ua mizimbu ya muesa ngecize Yehova ke ku muesa kahangu ku vangamba veni. —1 Sam. 16:1-13; Vili. 10:30-35, 44-48.

w13 15/6 11 ¶16

Hakenu Seho ya Kama ku Vifua via Yehova

¹⁶ Yehova ka puile mukua kahangu. Vati tu hasa ku mu tambuluisa? Vulukenu ngecize mu ka hasa lika ku mona vakuenu ca ku hona kahangu nga ka mua puile vakua kahangu. Mua vusunga, halumo tu hasa ku singanieka ngueto ka tua puile vakua kahangu, vunoni vintsimbu vimo ce ku tu kaluula ku nongonona ngecize ka tua puile vakua kahangu. Vati tu hasa ku nongonona ngecize ka tua puile vakua kahangu? Yesu ua tu sila lungano lua cili, omo ua tondele ku tantekeya vi va kele na ku singanieka vantu ku tuala hali ikeye, ua huile vavusamba veni ngueni: “Vantu va li na ku nji tumbula ange Muana muntu nguavo yangeya?” (Mat. 16:13, 14) Nenu mu hasa ku lingamo. Mu hasa ku hula umo kavusamba kenu nguenu, mu ku mona cove vunoni nja kala na kahangu ni? Kaha vika mua pande ku linga nga a mi leka ngueni mue ku likata cikuma na vantu va ku muyati umo ku tuvakana vakuavo, ni mue ku likata cikuma na vantu va pua vihutu ni na vaze lika va pua vampite? Vundilenu kuli Yehova a mi kuase ku alulula visinganieka vienu linga mu hase ku mu tambuluisa mu ku hona ku muesa kahangu.—Mat. 7:7; Kolo. 3:10, 11.

Vupite vua mu Lutsilielo

it-3 123 ¶6

Vikombelo

Vikombelo via ku nua. Valsaleli va kele na ku hana vikombelo via ku nua hamo lika na vikombelo vikuavo. Kaha va lingilemo cikumakuma mu nima ya kukovela mu Cifuti

ca Cikulaheso. (Num. 15:2, 5, 8-10) Vikombelo viaco via puile viniu (“via ku nua via ku pendesa”) kaha va kele na ku vi muanie-na ha mutula. (Num. 28:7, 14; setekesenu na Ezu. 30:9; Num. 15:10.) Kapostolo Paulu ua sonekele Vakua Kilistu ku Filipu ngueni: “Me va ku nji kombeleya ku cikombelo na cipanga ca ku-tsiliela cenu, nji ku zolela.” Hano, kapostolo Paulu ua pangesele vikombelo via ku nua via cimueso mu ku muesa cizango ca kele naco ca ku lihana na ku kua-sa vamuanaye. (Filp. 2:17) Mu kantsimbu ka kandende tele kanda a tse, kapostolo Paulu ua sonekelele Timoteo ngueni: “Ange va na nji kombeleya laza, na ntsimbu yange ya ku fumako i na heta.”—2 Tim. 4:6.

10-16 YA MAIO

VUPITE VUA MU LIZI LIA NJAMBI | NUMELU 30-31

‘Fuetenu vi mu na Lisingi’

it-3 801-802

Nkuminio

Nkuminio i va Lingile Vantu ku Cizango Vunoni va Pandele ku i Puisamo. Nkuminio va kele na ku i linga ku cizango, vutuhu ngo-co kuliya na lisiko lia Njambi, muntu nga a likuminia ua pandele ku i puisamo. Nge-ci mukemuo, muntu ua lingile nkumionio ca puile vene ngue ali na “ku kuta muono ueni” mu ku muesa ngecize, muono ueni ua puile ciye ca hanene vusunga ngecize a ka puisamo mezi eni. (Num. 30:2; talenu naua Loma 1:31, 32.) Mu ku linga nkuminio i va kele na ku linga vantu ya kuatele ku miono yavo, ngeci Visoneka via muesa ngecize ca pua ca seho muntu ku lihilula ntsimbu kanda a linge nkuminio, muomu nga a i linga kaha na pande ku i puisamo. Lisiko lia muesekele ngecize: “Omo u ka lisinga cisingo kuli Yehova . . . Njambi yove a ka ci tumbula kuli ove cili

vene; kaha nga ci ka pua vupi muli ove. Vunoni nga u likela ku lisinga, cikeco kati vupi muli ove.”—Ndeu. 23:21, 22.

it-3 801-802

Nkuminio

Ku linga nkuminio na Njambi, ca pua ku kulahesa vimo kuli Njambi nguetu tu ka puisamo cimo cipanga, ku kulahesa ku mu hana vumo vuana ni ku likela vilinga via mazilo ku meso eni. Kaha vantu va kele na ku linga nkuminio ku cizango cavo vavene. Mu ku linga nkuminio ya pua kuli Njambi, vantu va pandele ku lisinga, kaha vintsimbu vimo mezi “nkuminio” na “ku lisinga” va a pangesa mu Mbimbiliya mu ku tumbula cuma cimo lika. (Num. 30:2; Mat. 5:33) “Nkuminio” ya pua ku handeka vutumbu vu ali navuo muntu, “ku lisinga” co ca pua ku muesa vusunga ku muntu ua mu hiana vukama mu ku muesa ngecize a ka vi puisamo mpundu.—Njen. 26:28; 31:44, 53.

w04 1/8 27 ¶3

Vimpande via Tsimana mu

Livulu lia Numelu

30:6-8—Vuno yala Mukua Kilistu a hasa ku zilula nkuminio ni litavasiano lia mpueyeni? Ku tuala ha ku linga nkuminio, Yehova ua lavelela vangamba veni va puisemo nkuminio yavo muntu ku muntu. Ca ku muenako, ku lihana kuli Yehova ya pua nkuminio ye ku linga nkala muntu. (Ngalata 6:5) Kaha yala kesi na mpoko ya ku vindika mpueyeni ku puisamo nkuminio yaco. Vutuhu ngoco, mpuevo ka pandele ku likuminia viuma ka via litombuele na Lizi lia Njambi ni vene kapandi ka kala nako ku tuala hali yalieni.

Vupite vua mu Lutsilielo

it-2 482 ¶2

Yefeta

Ku laza, visemi va kele na mpoko ya ku hana vana vavo linga va ka pangele ku tavenakulu.

Umo uavo ua puile Samuele, u va kulahesele ku mu hana linga a ka pangele ku tavenaku-lu kuliya na nkuminio ya lingile naye Hana tele Samuele kanda a semuke. Kaha yalie-ni Elekana ua tavele nkuminio yaco. Ngeci mukemuo, omo Samuele ua sumukile, Hana ua mu tualele a ka pangele ku tavenaku-lu, kaha hamo lika neni ua tualele kasitu mu ku pua cikombelo. (1 Sam. 1:11, 22-28; 2:11) Samusoni neni ua puile umo u va hele mu cipanga ca Njambi mu ku pua kaNazileu. —Vang. 13:2-5, 11-14; setekenu na mpoko ya kele nayo cisemi ua yala ku tuala hali mua-neni ua mpuevo ngue mu ya muesa Num. 30:3-5, 16.

17-23 YA MAIO

VUPITE VUA MU LIZI LIA NJAMBI | NU-MELU 32-33

“Sekula Vandambo Vose va Cifuti”

w10 1/8 23

Mua vi Tantekeyele Ni?

Vika a puile “malundu” a va tumbula kusua kumo mu Visoneka via ciHevelu?

Omo valsaleli tele va lingila ku kovala mu Cifuti ca Cikulaheso, Yehova ua va lekele ngueni va ka nongese vihela vi va kele na ku lemesela vakua Kanana va kelemo. Njambi ua va tumine ngueni: “Mu ka tsiha . . . mavue avo ose a ku songa, na ku tsiha tumponia vavo vose va ku fula, na ku sihula malundu avo ose.” (Numelu 33:52) Ku lemesa ca makuli halumo va kele na ku ci lingila ha mbandza ni ha vingundzi vi va tungile ku vihela vikuavo ngeci mua muintsi lia miti ni mu vimbonge. (1 Vamiangana 14:23; 2 Vamiangana 17:29; Ezekiele 6:3) Kaha va kele na ku pangesa mitula, tumponia, vimbundi, na viuma vikuavo.

w08 15/2 27 ¶5-6

Lilongesenu ku Visevuka via valsaleli

Lelo lino netu tue ku hita mu visoti ngue vi va lihitile navio valsaleli. Vantu va puisa viuma ni vene vantu vakuavo ku pua vanjambi vavo. Evi viaco via ambatesela kumo na vimbongo, vueho, vakua ku asa mbola, vakua pulitika, vantuamena va malombelo, na vavusoko. Netu nga ka tua zangamene, tu hasa ku uila mu ngandzo yaco. Kaha nga tu likuata vusamba na vantu ka va lemene Yehova, ci hasa ku tu zeyesa mu lutsilielo.

Vupangala vua puile mutamba ua ku lemesa ca Mbale, kaha vua hungumuine valsaleli vavengi. Na lelo lino, vupangala kasi vue ku hungumuna vamo ha kati ka vangamba va Njambi. Ca ku muenako, ku niata lika munie ha link ya imo saiti ya viuma via mazilo i hasa ku sila muntu citaku-taku, na ku mu lingisa ku likovelesa mu njila ya ku vihia. Mua vusunga, ci ka pua ku vindama ca kama nga Mukua Kilistu a tala via vuntselentsele!

it-1 417 ¶2

Kanana

Yehosua ua muesele mana muomu “ka litulisileho vimo via ku linga ku viose Yehova ua sikile Mosesa” ku tuala ha ku nongesa vakua Kanana. (Yeho. 11:15) Vunoni valsaleli va vianene ku tuamenena ca cili ca Yehosua na ku masulula vusungu vua ku vihia vua mu cifuti. Mu ku linga vakua Kanana va tualeleho kuita mu cifuti ca Isaleli, va nehele vusungu mu cifuti cose kaha mu ku hita ca ntsimbu ca nehele kutsa ca vavengi (hamolika na vukenia, vupangala kaha na ku lemesa tumponia) ku hiana nga va kavele vuino lisiko lia mua ku nongeselamo vakua Kanana. (Num. 33:55, 56; Vang. 2:1-3, 11-23; Visa. 106:34-43) Yehova ua lunguile valsaleli ngecize, ka ka muesa kahangu ku tuala ha vuoloke na ku sompela ceni. Kaha nga valsaleli va likata na

vakua Kanana mu ku liambatela, ku panda-kana ku lemesa ni ku lilovelesa mu vilika via ku vihia hamolika na visemua viavo, navo vene ve ku nongele ngue mu lia muesele lisi-ko lia hanene Yehova Njambi, lia ku nongesa vakua Kanana kaha cifuti ce ku va ‘sandze-lele kuti’—Ezu. 23:32, 33; 34:12-17; Levi. 18: 26-30; Ndeu. 7:2-5, 25, 26.

Vupite vua mu Lutsilielo

it-3 695 ¶1

Vinginga

Mu nima ya ku litahela nga kuiko u ka kala nkala muyati, ca tondekele ku tantekeya vui-no kuiko ci ka lengela cihela caco, ni ngueta ca tondekele ku tumbula cihela caco mpundu kuliya na vukama ni vundende vuaco. “Kaha mu ka suana cifuti mu ku litahela ngue ku vikota vienu; kuli vaze va vengi mu ka hana vusuana vua vuingi, na kuli vaze va vandende mu ka hana vusuana vua vundende: kuose ku va na hangula muntu mu ku mu tahela, kukekuo ku a ka suana: ngue ku miyati ya vaisuenu mu ka suana.” (Num. 33:54) Nga umo muyati va na u hangula cimo cihela, kukekuo vene ku ua pande ku suana muyati uaco, vunoni ve ku hasele ku vueza ni ku tepulula cihela caco. Ngeci mukemuo, omo cihela ca muyati ua Yunda ca puile cikuma ca kama, va vatuileko na ku vuezelela ku cihela ca muyati ua Simeone.—Yeho. 19:9.

24-30 YA MAIO

VUPITE VUA MU LIZI LIA NJAMBI | NUMELU 34-36

“Tinineni Muli Yehova”

w17.11 10 ¶4

Mue ku Tinina Muli Yehova Ni?

⁴Vunoni vati va lingile na uze kalsaleli ua tsihile mukuavo ku ndzimba? Vutuhu uze kalsaleli ua kokele ku-tsa ca mukuavo ku

ndzimba, kasi ua kele na mulonga mu ku tsiha uze kesi na nkole. (Njenisisi 9:5) Kaha mu citanga caco cize, vutuhu Yehova ua ambele nguene citava ku muesa muntu uaco cikeketima. Kasi uze mukua ku tsiha ku ndzimba ua pandele ku tina mukua ku linguila maninga na ku tinina ku imo ya vize vimbonge via vutininino via ku pua 6. Nga muntu uaco va na mu tava ku kala mu mbonge ya vutininino, va kele na ku mu niunga. Vunoni ka pandele ku tunda mu mbonge yaco noho sasendote ua kama na tsi.—Numelu 35:15, 28.

w17.11 11 ¶6

Mue ku Tinina Muli Yehova Ni?

⁶Nga umo kalsaleli ua tsihile mukuavo ku ndzimba, ua pandele ku tinina ku vimbonge via vutininino kaha na ku ka “ambulula lizi lie-ni” ku vakuluntu ku vukovelelo vua mbonge. Kaha vakuluntu va pandele ku mu tambula. (Yehosua 20:4) Mu nima ya imo ntsimbu, vakuluntu va pandele ku mu hiluisa linga va ka mu sompese kuli vakuluntu va ku mbonge ize ya tsihilile uze mukuavo ku ndzimba. **(Tandenu Numelu 35:24, 25.)** Kaha nga vakuluntu va muene ngecize ka tsihile ku cizango ceni, kaha va pandele ku mu hiluisa naua ku mbonge ya vutininino.

w17.11 12 ¶13

Mue ku Tinina Muli Yehova Ni?

¹³Omo mukua ku tina ua kovelele mu mbonge ya vutininino, amba vuose ua huimine mutima. Yehova ua handekele via membo aco nguene: “Akeo a ka pua kuli enu vutininino.” (Yehosua 20:2, 3) Yehova ka tondele ngecize mukua ku tina va ka mu sompese lueka omo lia cimpande caco. Cikuavo, mukua ku linguila maninga ka va mu tavesele ku ka kovela mu mbonge yaco a ka mu tsihe. Yehova ua kele na ku niunga uze mukua ku tina omo ua kele mu mbonge ya vutininino. Vunoni ka kele mu **kamenga**, houe. Va mu tavesele ku panganga, ku kuasa vakuavo, na ku

lemesa Yehova mu ciyulo. Mua vusunga, neni ua yoyele muono ua ndzolela na ku viukilila ca kama!

Vupite vua mu Lutsilielo

w91 15/2 13 ¶13

Nkombelo Yovola Vantu Vose

¹³ Andama cipue Eva ka va uanene vukuasi ku nkombelo Lisiko lia Mosesa lia kele na cino ci-tume: “Ka mu ka tambula ndando mu ku kula muono ua mukua ku tsiha, uze na pande ku tsa.” (Numelu 35:31) Andama ka va muongele, vunoni ua vulumuine ku cizango. (1 Timoteo 2:14) Lisino lia muesele Andama lia puile vene ngue ku tsiha, muomu mbuto yeni ya suana ku hona ku tantuluka cize ce ku koka kutsa. Mua vusunga, Andama ua fuililile kutsa muomu mu ku pua muntu ua ku tantuluka, ua lihanguilile ivene ku muesa lisino ku lisiko lia Njambi. Ku ovola Andama ku hitila mu nkombelo nga ka ca litombuele na vitume via vuoloke via Yehova. Ngeci mukemuo, ku fueta ndando ya vupi vua Andama, ca manusula kutsa ci ya suana mbuto yeni! (Loma 5:16) Tu hasa ku hantdeka nguetu ngolo ya vupi va i tetela mpundu ku tsina yaco. Kaha muovole ‘ua makelele kutsa omo vose,’ kaha na ku lituika lamba ye kuiza omo lia vupi vua vana va Andama.—Va-Hevelu 2:9; 2 Kolintu 5:21; 1 Petulu 2:24.

31 YA MAIO–6 YA JUNHO

VUPITE VUA MU LIZI LIA NJAMBI | NDEUTELONOMI 1-2

“Ku-Teta Mulonga ca Pandama Kuli Njambi”

w96 15/3 23 ¶1

Yehova ua Lema Vuoloke na Vuviuke

¹³ Vakuluntu mu cikungulukilo va va hana mpo-ko ya ku teta lizi ni nguetu ya ku sompesa muntu nga na lingi vupi vua kama. (1 Kolintu

5:12, 13) Mu ve ku lingamo ve ku vuluka nge-cize, vuviuke vua Njambi vue ku mu lingisa ku muesa cikeketima nga citondeka. Vunoni nga muntu na vulumuna kaha ka liveyele ka va pandele ku mu muesa cikeketima. Vutuhu ngoco, vakuluntu ka ve ku uisa muntu mu cikungulukilo mu ku tonda ku mu linguila houé. Muomu va lavelela ngecize, ku mu uisa ci ka mu kua-sa ku lihilula na ku liveya linga a hiluke kuli Yehova. (Setekesenu na Ezekiele 18:23) Mu ku kava ku tuamenena ca Kilistu, vakuluntu mu cikungulukilo ve ku linga viuma mu vuoloke kaha eci ca ambatesela kumo na ku pua “ngue vuvando ku luhundzi.” (Isaya 32:1, 2) Cikuavo naua, ve ku lihakela kapandi ka ku lipokuesha na ku hona ku muesa kahangu.—Ndeutelonomi 1:16, 17.

w02 1/8 9 ¶4

Ononokenu na Mutima Uose ku Mpoko Ya Njambi Ya Ku Sika

⁴ Ku pua ngazi ka cemanene lika ha ku tantekeya lisiko houé. Omo lia ku hona ku tantuluka, vangazi va pandele ku zangama na vifua via ku vihia ngeci mua, ku tuameka vizango viavo, kahangu na lizangamena. Muomu evi vifua vie ku hasele ku va tangu-la ku sompela vantu mu vuoloke. Mosesa ua va lekele ngueni: “Sompenu na vusunga. Mu ka halakana vaze va vandende na vaze va kama mumo lika. Kati mu zuzuke cihanga ca muntu; *muomu ku-teta mulonga ca pandama kuli Njambi.*” Cili vene vangazi va mu Isaleli va kele na ku sompela vantu mu ku imanena Njambi. Mua vusunga ca puile civezikiso ca kama!—Ndeutelonomi 1:16, 17.

Vupite vua mu Lutsilielo

w13 15/9 9 ¶9

Vilungula via Yehova vie ku tu Kuasa Ntsimbu Yose

⁹ Ntsimbu kanda valsaleli va katuke vungendzi vuze vua vambatele miaka 40 mu

“zindinda zize ziose zia kama zia ku zuzuisa,” Yehova ka livangele ku va leka mpundu vati ue ku va tuamenene na ku va niunga. Vutuhu ngoco, kasi ua va mueseke ngecize citava ku mu kulahela kaha na ku kulahela vitume vieni. Kaha mu ku pangesa ngundzi ya liselua ku mutania na ngundzi ya tuhia ku vutsiki, Yehova ua vuluisile valsaleli ngecize lkeye ua kele na ku va tuamenena mu vindinda vize via ku vuisa liova. (Ndeu. 1:19; Ezu. 40:36-38) Cikuavo naua, ua va hele viose vi va tondekele. “Vizalo viavo ka via kulile, na viliato viavo ka via zimbile.” Cili vene, “ka va zezele na kamo kahi.”—Neh. 9:19-21.

7-13 YA JUNHO

VUPITE VUA MU LIZI LIA NJAMBI | NDEUTELONOMI 3-4

“Masiko a Yehova eku Hana Mana Kaha a Vuoloke”

it-1 817 ¶3 Ku Ivuisisa

Ku lilongesa vuino Lizi lia Njambi kaha na ku pangesa vitume vieni, ci hasa ku kuasa muntu ku kala na mana ku hiana vaze va litumbula valongisi veni na ku ivuisisa vuino vinguli ku hiana vakuluntu. (Visa. 119: 99, 100, 130; setekesenu na Luka 2:46, 47) Muomu mana na ku ivuisisa via pua mutamba ua vitume via Njambi via ku lela kaha na masiko eni; nga valsaleli vononokele masiko aco ve ku lingisile vakua vifuti via mambueli ku va mona mu ku pua “vantu va mangana na vakua mana.” (Ndeu. 4:5-8; Visa. 111:7, 8, 10; setekesenu na 1 Vam. 2:3) Mukua mana ue ku nongonona ngecize nga na pokola Masiko a Njambi, na pande ku mona via na lingi mu cifua ce ku vi muenamo Njambi kaha na ku vundila vukuasi vueni. (Visa. 119:169) Cikuavo naua, ue ku tavesa muzimbu ua Njambi u soke mizi mu mutima

ueni (Mat. 13:19-23), ku u soneka ha citaleca mu mutima ueni (Visi. 3:3-6; 7:1-4), kaha ue ku lihakela kapandi ka ku zinda “njila yose ya makuli” (Visa. 119:104). Muana Njambi mua kele hano ha mavu, neni ua mueseke mana aco, vutuhu vandongesi veni va lingile cose mu ku vindika kutsa ceni, ikeye ua vianene muomu ua tantekeyele ngecize ua pandele ku tsa mu cifua cize, linga Visoneka vi li puisemo.—Mat. 26:51-54.

w99 1/11 20 ¶6-7

Nga Vuhuanga vu Lilanesa

Lisano ua ku Seva ua komokele cikuma na viuma via vuile na vize via muene, ua handekele na ku likehesa cose ngueni: “Vamala vove va na vezika, nava vangamba vove va na vezika, ve ku mana ntsimbu yose ku meso ove, na ku halakana mangana ove.” (1 Vam. 10:4-8) Vutuhu Solomone ua kele na vupite vua vuingi, vunoni ou lisano ka tumbuile vangamba va Solomone ku pua va ku vezika omo lia vupite vua va zengelekele. Vunoni vangamba va Solomone va va tumbuile ku vezika, muomu va kele na ku halakana ku sua kumo mana a Solomone a ku tunda kuli Njambi. Mua vusunga, lisano ua ku Seva ua pua lungano lua cili ku vangamba va Yehova lelo lino, vaze va kulahela mu mana a Sakatanga kaha na a Muaneni, Yesu Kilistu!

Lisano ua lekele naua Solomone mezi akua vo a ku komouesa ngueni: “Ua ku sangaziala Yehova Njambi yove.” (1 Vam. 10:9) Mua vusunga, ua muene livoko lia Yehova ku mana na vupite vua kele navuo Solomone. Evi via litombola na vize via kulahesele Yehova kuli valsaleli. Ngueni: “Vi niungenu ngoco vene na ku vi linga; muomu eci cikeco mangana enu na mana enu ku meso a vantu vaze va kevua vitume evi viose, na ku handeka nguavo, Mua vusunga muyati ou ua kama ukeuo vantu va mangana na vakua mana.”—Ndeutelsonomi 4:5-7.

w07 1/8 29 ¶13

Vuno mua pua ‘Vampite Kuli Njambi’ Ni?

¹³ Yehova mue ku vezikisa vangamba veni, ntsimbu yose ue ku va hana vize via ku hiana. (Tiango 1:17) Ca ku muenako, omo Yehova ua kulahesele valsaleli cifuti, ua va hele “cifuti ca ku hita na mavisi na vuci.” Vutuhu cifuti ca Ingito naco va ci tumbuile mu cifua oco, vunoni cifuti ca hele Yehova ku valsaleli ca lisezelele ku cuma ca seho ya kama. Mosesa ua lekele valsaleli ngueni: “Cifuti ci a li ku niunga Yehova Njambi yove.” Ni nguetu, valsaleli ve ku yoyele muono ua cili, muomu Yehova ue ku va niungile. Ca kama ku va tualalelaho lika ku ononoka Yehova, lkeye ua ku va vezikisile na ku va hana muono ua cili ku hiana muono u va kele nauo vakua vifuti via mambweli. Cili vene “civezikiso va Yehova cikeco ci fukisa”—Numelu 16:13; Ndeutelonomi 4:5-8; 11:8-15.

Vupite vua mu Lutsilielo

w04 15/9 25 ¶3

Vimpande via Tsimana mu Livulu lia Ndeutelonomi

4:15-20, 23, 24—Vuno ku vindika ku songa tumponia, ca lomboloka ngecize ca pua vupi ku songa tumponia vose ovo ni vikupulo via vumesele ni? Houe. Va vindika lika ku songa tumponia ni vikupulo na vutumbe vua ku va ‘tsikamena na ku va lemesa.’ Visoneka via ku Lela ka via vindikile ku songa tumponia ni ku linga vikupulo vikuavo na vutumbe vua ku viukisa cimo cihela.—1 Vamiangana 7:18, 25.

14-20 YA JUNHO

**VUPITE VUA MU LIZI LIA NJAMBI
| NDEUTELONOMI 5-6**

“Longesenu Vana Venu ku Lema Yehova”

w05 15/6 20 ¶11

Visemi, Hanenu Vusoko Vueni Viuma vi va Tondeka

¹¹ Mu cilongesa cino, livulu lia Ndeutelonomi 6:5-7 va na litumbula cikuma ku hiana mikanda ikuavo. Sukulukambu fukulenu Mbimbiliya yenu mu tande vinimbu viaco. Vinimbu viaco via mamuna ha katete visemi va kaniamese lutsilielo luavo mu ku lema Yehova kaha na ku haka mezi eni mu mitima yavo. Cili vene, visemi mua pande ku pua vakua ku lilongesa Mbimbiliya va kama, i tandenu ntsimbu yose kaha na ku hilula ha viuma vi mu lilongesa linga mu hase ku uana mana, ku lema vinjila via Yehova, vitume na masiko eni. Nga mu lingamo, mu ka tantekeya vusunga vua vuingi vua mu Mbimbiliya vu ka mi vuisa ndzolela kaha na ku mi lingisa ku singimika Yehova na ku mu lema. Cikuavo naua, mu ka kala na viuma via vingi via ku longesa vana venu.—Luka 6:45.

w07 15/5 15-16

Vati nji Hasa ku Kuasa Vana Vange va Kale na Vilongesa via Cili?

Viuma vi mua tuameka mu muono, vizango na matumbe enu ka vie ku lisolola lika mu vihandeka vienu vunoni na mu vilinga vienu. (Loma 2:21, 22) Tunde ku vunike, vana ve ku lilongesa mu ku tala ku vilinga via visemi vavo. Vana ve ku nongonona viuma vi va puisa visemi vavo via seho, kaha navo vikevio vi ve ku puisa via seho. Ngeci mukemuo, nga mu lema Yehova na mutima uenu uose, vana venu va ka mi mona. Ca ku muenako, va ka mona ngecize ku tanda na ku lilongesa Mbimbiliya via pua via seho kuli yenu, va ka mona naua nguavo ku tuameka Vuangana ca seho mu muono uenu. (Mateo 6:33) Nga mu pua na ku kunguluka na ku ambulula ntsimbu yose, mu ka muesa ngecize cipanga ca

Yehova ca ku lela cikeco ca hiana seho mu muono uenu.—Mateo 28:19, 20; VaHevelu 10: 24, 25.

w05 15/6 21 ¶14

Visemi, Hanenu Vusoko Vueni Viuma vi va Tondeka

Ngue mu lia muesa livulu lia Ndeutelonomi 6:7, visemi mua kala na vukovelelo vua vuingi vua ku simutuila viuma via mu lutsilielo na vana venu. Ca ku muenako, nga mu ya hamo lika mu vumo vungendzi, mu linga vimo vipanga ha ndzivo ni nga mu sikama mu hasa ku pangesa vukovelelo vuase ovu linga mu longese vana venu viuma via mu lutsilielo. Eyo kati ntsimbu yose i muli na vana venu mua pande ku handeka lika via Mbimbiliya houé. Vunoni lihakelenu kapangi ka ku simutuila viuma via mu lutsilielo mu cifua ci va kaniamesa. Ca ku muenako, mu mukanda *Vingilenu!* mua kala vimpande via vingi via ku liseza-seza. Vimpande viavo vi hasa ku mi hana vukovelelo vua ku simutuila ha viuma via tanga Yehova ngeci mua tusitu, vihela via cili via mu mavu ose, ku liseza-seza ca cili ca kala ha vantú, visemua kaha na yoyesi yavo. Ku lingamo, ci ka kuasa vana venu va kale na cizilila ca ku tanda ntsimbu yose mikanda ye ku tuhula Mukuamanda ua cili mukua mana.—Mateo 24:45-47.

Vupite vua mu Lutsilielo

w19.02 22 ¶11

Vati Masiko a Mosesa a Mueseke Cilemo na Vuoloke vua Yehova

11 Vi tu hasa ku lilongesaho. Yehova ke ku mona lika ku cifua ca muntu. Vunoni ue ku mona vili ku mitima yetu. (1 Sam. 16:7) Ka kuesi viuma vi tu hasa ku mu sukelá. Ue ku lengeya viuma via cili vili muli yetu na ku tu kaniamesa. Vunoni ikeye ua tonda tu lihakele kapandi ka ku nongonona na ku niunga

visinganieka vietu ntsimbu kanda vi ci lisolele mu vilinga.—2 Miz. 16:9; Mat. 5:27-30.

21-27 YA JUNHO

VUPITE VUA MU LIZI LIA NJAMBI

| NDEUTELONOMI 7-8

“Kati mu ka Lihangele Navo”

w12 1/7 29 ¶2

Omo lia Vika Njambi ua Tonda Vangamba Veni va Liambate Lika Muavo?

Yehova ua tanteyeke ngecize, Satana ua tondede ku hungumuna vangamba veni linga va lemese vanjambi va makuli. Ngeci ua va lunguile nguene vaze ka ve ku mu lemesa va “ka tangula muonove mu ku nji kava ange, linga va pangele vanjambi veka.” Ha ku ononoka eli lisiko, hemanene via vingi. Muomu nga valsaleli va likovelesele mu ku lemesa vanjambi veka, ve ku zimbalesele vusamba vuavo na Njambi kaha na ku va niunga kuli lkeye. Kaha eci ce ku hanene vukovelelo ku vitozi vavo. Cikuavo naua, nga ce ku kaluuisile Mesiya u va kulahesele ku semukila ku cikota cavo. Ngeci mukemuo, Satana ua tondedeleho kasuilo ka ku hungumuna valsaleli va liambatele na vakua vifuti.

w15 15/3 30-31

Kuambatela “Muli Muangana Lika”—Vuno Kasi ca Tondeka Ni?

Eyo, muomu Yehova ku hitila mu Lizi lieni ua hana lisiko lia kuambatela muli Muangana lika. Omo lia vika? Muomu a tantekeya via cili ku vangamba veni. Kati linga ngue ua tonda ku niunga vangamba veni ku ku vavala ce kuiza omo lia ku hona ku niunga eli lisiko, vunoni ua tonda naua va yoye mu ndzolela. Ku matangua a Nehemiya omo vaYundeu vavengi va liambatelele na vakua vifuti ka va lemesele Yehova, Nehemiya ua va vuluisile lungano lua ku vihia lua Solomone. Vutuhu

Njambi ua “lemene [Solomone], . . . [vunoni] vampuevo va vangendzi va mu vulumuisile.” (Neh. 13:23-26) Mu ku pua vangamba veni, Njambi ua tonda tu yoye mu ndzolela ngeci ua tu hana lisiko lia ku liambatela lika na vaze ve ku mu lemesa mu vusunga. (Visa. 19:7-10; Isaya 48:17, 18) Vakua Kilistu va vusunga, ve ku santsela Njambi omo lia ku va niunga na cilemo kaha va kulahela mu ku tuamenena ceni. Ngeci mukemuo, mu ve ku ononoka Njambi mu ku pua Mukua ku Sika, ve ku muesa ngecize ikeye ua pua Mukua ku Hiana Vose.—Visi. 1:5.

w15 15/8 26 ¶12

Zangamenu na Vantu va mu Likata Navo ku Matangua ano a ku Kotokela

¹² Ku zangama na vantu vaka tu likata navo ca pua ca seho ya kama, cikuma-kuma kuli Vakua Kilistu va vazike vaze va tonda kuambata ni ku somboka. Lizi lia Njambi lia handeka ha toma ngualio: “Kati mu likutile ku mukambo hamo na vaze ka va tsililielele: muomu vuviuke na vupi vi hasa ku lipandakana vati? cipue mutana na milima vi likata vati?” (2 Kol. 6:14) Mbimbiliya ya mamuna vangamba va Njambi vaze va tonda ua ku liambata neni vambatele “muli Muangana lika,” eci ca lomboloka kuambata ni ku somboka kuli ngamba ya Yehova ua ku mbatiza kaha ua yoya muaya vitume vieni. (1 Kol. 7:39) Vakua Kilistu mu ve ku ononoka eli lisiko, ve ku uana vavusamba va cili va lema Yehova kaha ve ku va kuasa ku tualelelaho ku mu pangela na vuoloke.

Vupite vua mu Lutsilielo

w04 1/2 13 ¶4

Yehova ue ku tu Hana vi tua Tondeka Tangua na Tangua

⁴ Ku vundila mbolo ya tangua na tangua ca pande ku tu vuluisa naua ngecize, tua tondeka naua via kulia via mu lutsilielo tangua na

tangua. Vutuhu Yesu tele a li mu ndzala ya kama mu matangua a engi, vunoni ua viane ne ceseko ca Satana ca ku himpula mavue ku pua mbolo. Ua handekele ngueni: “Va na soneka nguavo, Kati mbolo lika i yoyesa muntu, vunoni na mezi ose a ku fuma mu kanua ka Njambi.” (Mateo 4:4) Yesu hano, ua handekele mezi a kapolofeto Mosesa mua lekele valsaleli ngueni: “[Yehova] ua ku konkekele, ua ku tavele kuivua ndzala, kaha ua ku lisile na manna, intsa ka ua tantekeyele, cipue vaiso ka va i tantekeyele; linga a ku tantekeyese ngecize muntu ke ku yoya na mbolo lika, vunoni na viose vi tuhuka mu kanua ka Yehova ue ku yoya.” (Ndeutelonomi 8:3) Cifua ca hanenemo Yehova manna ku valsaleli, ka ca puile lika vukovelelo vua ku va hana via kulia, vunoni na ku va longesa via mu lutsilielo. Ca ku muenako, va pandele “ku kunga seteko ya litangua limo ku litangua ku litangua.” Kaha mu va kele na ku kunga via ku hiana mu seteko ya litangua limo, vize via saleleho via putukile ku nika na ku tuhuka mavuno. (Ezundu 16:4, 20) Vunoni evi ka via kele na ku soloka mu va kele na ku vi kunga mu litangua lia mu citanu na limo, linga vi ka hete na lia sapalalo. (Ezundu 16:5, 23, 24) Ngeci mukemuo, manna a kele na ku va vuluisa ngecize va pande ku ononoka muomu miono yavo ka yemanene lika ha mbolo vunoni na “viose vi tuhuka mu kanua ka Yehova.”

28 YA JUNHO–4 YA JULHO

VUPITE VUA MU LIZI LIA NJAMBI | NDEUTELONOMI 9-10

“Vika Njambi Yenu Yehova ua Tonda Kuli Enu?”

w09 1/10 10 ¶3-4

Vika Yehova ua Tonda Kuli Yetu?

Vika vi hasa ku tu kuasa ku ononoka Njambi ku cizango? Mosesa ua tumbula nguli

ya seho ngueni: “Ivua vuoma kuli Yehova Njambi yove.” (Cinimbu 12) Eci ku vuila vuoma Yehova, ka ca puile ku mu vuila munjunju omo lia viuma via ku vihia vi hasa kuizamo, vunoni ca pua ku singimika Njambi na vinjila vieni. Kaha nga tua singimika Njambi ka tu ka lingi via ku vihia vize vi ka mu vuisa ku vihia.

Vunoni vusunga vuka vua kama vua pande ku tu lingisa ku ononoka Njambi? Mosesa ngueni: “Lema [Yehova] na ku pangela Yehova Njambi yove na mutima uove uose na muono uove uose.” (Cinimbu 12) Ku lema Njambi ca ambatesela kumo na viuma via vingi. Limo livulu ngualio: “Mezi a ciHevelu emanena kuivua cilemo, vintsimbu vimo a lomboloka vie ku linga muntu omo lia cilemo caco.” Eli livulu lia vuezako naua ngualio, ku lema Njambi ca lomboloka “ku mu muesa *vilinga* via cilemo,” ni nguetu nga tua lema mpundu Njambi, tu ka linga viuma vi ka mu vuisa ndzolela.—Visimo 27:11.

w09 1/10 10 ¶6

Vika Yehova ua Tonda Kuli Yetu?

Kuononoka Yehova ku cizango ce ku neha vivezikiso. Mosesa ua sonekele ngueni: “Niu-nga mezi a lisiko . . . a nji ku ku sika ku litangua lia lelo mu ku ku vezikisa.” (Cinimbu 13) Mua vusunga, masiko ose a Yehova ni nguetu viose vie ku tu leka ku linga, via pua mu ku tu kuasa yetu. Vika vi tu lingisa ku handeka ngoco? Mbimbiliya nguayo: “Njambi ikeye cilemo.” (1 Yoano 4:8) Ngeci mukemuo, ue ku tu hana masiko aco mu ku tu kuasa tu yoye mu ndzolela. (Isaya 48:17) Ku linga viose vie ku tu tuma Yehova, ci ka tu niunga ku masiua a engi lelo lino kaha na ku tu kuasa ku ka tambula vivezikiso via vingi omo Vuangana vueni vu ka sika.

cl 16 ¶2

Vuno Citava Mpundu mu ‘Suene Kuli Njambi’ Ni?

² Avilahama ua hasele ku lingamo. Ngeci Yehova ua mu tumbuile ngueni “kavusamba kange.” (Isaya 41:8) Cili vene, Yehova ua pui-sile Avilahama kavusamba keni ua ha hiehi. Avilahama ua uanene vusamba vuaco muomu ua “tsililielele muli Yehova.” (Tiango 2:23) Na lelo lino, Yehova ue ku tonda vukovelelo vua “ku lema” vaze ve ku mu pangela na cilemo cose. (Ndeutelonomi 10:15) Ngeci mukemuo, Lizi Lieni lia tu mamuna ngualio: “Suenenu kuli Njambi, kaha ikeye a ka sue-na kuli enu.” (Tiango 4:8) Mua vusunga, aa mezi a muesa cilanio na cikulaheso ca Yehova.

Vupite vua mu Lutsilielelo

it-1 127

Anake

Va puile umo muyati ua vantu va kama kaha va ku tuntuka va yoyelele ku mincinda ya ku Kanana kaha na kumo ku vihela via ku sulu. Imo ntsimbu, vana va Anake vatatu Ahimane, Sesai na Tamai va yoyelele ku Hevelone. (Num. 13:22) Omo vaHevelu va ku pua 12 va va tumine ku ka tala cifuti, kukekuo ku va ka muenenene lua ku livanga muyati ua vaAnake. Kaha ha kati kavo, vamala 10 va ambulule muzimbu ua ku zuzuisa mu ku handeka nguavo vamala vaco va puile ngue makisikisi ni vaNefelime va yoyelele ku ntsimbu ya Noa. Va vuezaleko naua nguavo mu ku lisetekesa navo vaHevelu va puile ngue “vambimba.” (Num. 13:28-33; Ndeu. 1:28) Ku tuntuka cavo ca lingisile linga va va setekese na vamala va ku tuntuka ha kati ka vaEmime na vaLefaima. Kaha omo lia ndzili i va kele nayo, ngeci kua kala mezi a va soneka mu Mbimbiliya nguao: “Iya a hasa ku mena vana va Anake?”—Ndeu. 2:10, 11, 20, 21; 9:1-3.

